



KOMUNIKADO PA PRENSA

Fecha
6 di aprel 2016

Kontakto
Kabinèt Minister VVRP

DURANTE MINISTER CAMELIA- SU BISHITA NA INTERTRAFFIC AMSTERDAM A LOGRA PA: KONSEHERO DI HULANDA RIBA E AREA DI TRAFIKO TA BAI BIN KORSOU

Willemstad – Minister di Tráfiko, Transporte i Planifikashon Urbano (mihó konosí komo VVRP), sra. Suzy Camelia-Römer a hasi un bishita na Intertraffic Amsterdam, ku ta e eksposishon di tráfiko, parker i infrastruktura di mas grandi ku tin na mundu. Durante di e bishita aki, Minister Camelia-Römer a logra krea e kontaktonan nesesario pa e consehero mayó di Hulanda (di e Ministerio di Rijkswaterstaat) por bin i asesora Kòrsou riba e área di tráfiko.

Ya tin palabrashon konkreto pa e consehero mayó bin Kòrsou despues di yùli pa asina e por sinta ku e komishon di tráfiko sigur di Kòrsou i interkambiá riba e posibel medidanan ku por sigui tuma pa hasi nos tráfiko aun mas sigur.

E bishita na intertraffic tabata hopi importante tambe pasó durante e eksposishon aki, ku ta tuma lugá kada dos (2) aña, por a tuma nota di tur e posibel inovashon i desaroyonan teknológiko den área di tráfiko ku por introdusí na Kòrsou, en partikular e área di tráfiko sigur.